

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
GRAD MOSTAR
GRADONAČELNIK

Broj 02-40-14389/25
Mostar 15.09.2025

Na osnovu član 29. točka 7) Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj 39/03, 22/06 i 43/10), člana 31. stav (2) točka 3) Pravilnika o načinu rada i funkcioniranja štabova i povjerenika civilne zaštite („Službene novine Federacije Bosne i Hercegovine“, broj 77/06, 5/07 i 32/14), člana 9 točka 7) Odluke o organizovanju i funkcioniranju zaštite i spašavanja na području Grada Mostara („Službeni glasnik Grada Mostara“, broj 13/10), a u vezi sa nastalom situacijom uslijed prekida usluge odvoza komunalnog otpada koja je dovela do pogoršane epidemiološke situacije i uništavanja i zagađivanja okoliša na području Grada Mostara, na prijedlog Štaba civilne zaštite Grada Mostara Gradonačelnik donosi:

O D L U K U

**o proglašenju stanja tehničko-tehnološke nesreće na području Grada Mostara
uzrokovane prekidom usluge odvoza komunalnog otpada**

I

Proglašava se stanje tehničko-tehnološke nesreće na području Grada Mostara uzrokovane zbog prekida usluge odvoza komunalnog otpada koja je dovela do pogoršane epidemiološke situacije i uništavanja i zagađivanja okoliša na području Grada Mostara, sa danom 15. septembra 2025. godine.

II

Radi zaštite i spašavanja ljudi i materijalnih dobara na ugroženom području, određuju se slijedeće obaveze i zaduženja:

- da se gradski organi uprave, upravne organizacije, zavodi, pravni subjekti i druge institucije stave na raspolaganje Gradskom štabu civilne zaštite,
- da se u gradskim organima uprave, upravnim organizacijama, zavodima odmah uvede neprekidno dežurstvo, radi izvršenja naredbi Štaba civilne zaštite,
- zadužuje se Štab civilne zaštite Grada Mostara da u skladu sa zahtjevima sa ugroženih područja izvrši aktiviranje odgovarajućih službi civilne zaštite i spašavanja, a po potrebi i drugih pravnih subjekata, javnih preduzeća i građana radi pružanja pomoći na ugroženom području.

III

Troškovi koji nastanu angažiranjem Štaba civilne zaštite Grada Mostara te dodatnim planskim angažiranjem nedostajućih resursa za spašavanje tokom provođenja akcija zaštite i spašavanja, pokriva se iz Budžeta Grada Mostara, planiranih za zaštitu i spašavanje, nedostajuća sredstva iz budžetskih rezervi i drugih finansijskih izvora, u skladu sa važećim propisima.

Pored navedenih sredstava za ove namjene potrebno je koristiti sva raspoloživa sredstva posebne naknade za zaštitu i spašavanje u skladu sa Odlukom o uvjetima i načinu korištenja sredstava ostvarenih na temelju posebne naknade za zaštitu od prirodnih i drugih nesreća („Službene novine Federacije Bosne i Hercegovine“, broj 4/12, 80/13 i 20/20).

IV

Zadužuje se Štab civilne zaštite Grada Mostara da u skladu sa važećim propisima preuzme sve aktivnosti oko koordinacije i rukovođenja akcijama zaštite i spašavanja na ugroženom području.

V

Kad se sagledaju svi resursi, na osnovu procijene stanja i potreba ostvariti kontakte sa organima Federacije Bosne i Hercegovine i Hercegovačko-neretvanskog kantona u skladu sa operativnim procedurama.

VI

Obavezuju se svi rukovodioci gradskih organa uprave, upravnih organizacija rukovodioci pravnih osoba i drugih institucija, da osiguraju provođenje naredbi Štaba civilne zaštite Grada Mostara (pružanjem pomoći i podrške u logističkim i komunalnim potrebama, zbrinjavanju ugroženog stanovništva i materijalnih dobara, te medicinskom zbrinjavanju oboljelih stanovnika).

VII

U skladu sa Uredbom o jedinstvenoj metodologiji za procjenu šteta od prirodnih i drugih nesreća („Službene novine federacije Bosne i Hercegovine“, broj 75/04, 38/06, 52/09, 56/09 i 36/14) nadležni organ aktivirat će svoju komisiju za procjenu šteta radi izvršavanja zadataka u skladu s uredbom.

VIII

Odluka stupa na snagu danom donošenja i objavit će se u „Službenom glasniku Grada Mostara“.

IX

Ova Odluka će biti objavljena putem printanih i elektronskih sredstava informisanja.



Dostaviti:

1. Gradonačelnik,
2. Organizaciona jedinica 04/4,
3. Ad acta

OBRAZLOŽENJE

PRAVNI OSNOV

Pravni osnov za donošenje Odluke o proglašenju stanja tehničko-tehnološke nesreće uslijed prekida usluge odvoza komunalnog otpada koja je dovela do pogoršane epidemiološke situacije i uništavanja i zagađivanja okoliša u Gradu Mostaru, su odredbe člana 29. točka 7) Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj 39/03, 22/06 i 43/10), člana 31. stav (2) točka 3) Pravilnika o načinu rada i funkcioniranja štabova i povjerenika civilne zaštite („Službene novine Federacije Bosne i Hercegovine“, broj 77/06, 5/07 i 32/14), člana 9 točka 7) Odluke o organizovanju i funkcioniranju zaštite i spašavanja na području Grada Mostara („Službeni glasnik Grada Mostara“, broj 13/10).

RAZLOZI ZA DONOŠENJE

Štab civilne zaštite Grada Mostara održao je vanrednu sjednicu dana 15. septembra 2025. godine na kojoj je razmatrao informaciju Službe civilne zaštite i vatrogastva sa stanjem na terenu (Grad Mostar) uslijed prekida usluge odvoza komunalnog otpada koja je dovela do pogoršane epidemiološke situacije i uništavanja i zagađivanja okoliša. Obzirom na predočene informacije Štab civilne zaštite je ocijenio i konstatovao da su se stekli uslovi za proglašenje stanja tehničko-tehnološke nesreće i predložio gradonačelniku da donese Odluku o proglašenju stanja tehničko-tehnološke nesreće izazvane prekidom usluge odvoza komunalnog otpada koja je dovela do pogoršane epidemiološke situacije i uništavanja i zagađivanja okoliša sa danom 15. septembraom 2025. godine

SREDSTVA KOJA SU POTREBNA ZA PROVOĐENJE ODLUKE

Troškovi koji nastanu, angažiranjem Štaba civilne zaštite Grada Mostara te dodatnim planskim angažiranjem nedostajućih resursa za spašavanje, tokom provođenja akcija zaštite i spašavanja pokrit će se iz Budžeta Grada Mostara, planiranih za zaštitu i spašavanje, nedostajuća sredstva iz budžetskih rezervi i drugih finansijskih izvora, u skladu sa važećim propisima.

Pored navedenih sredstava za ove namjene potrebno je koristiti sva raspoloživa sredstva posebne naknade za zaštitu i spašavanje u skladu sa Odlukom o uvjetima i načinu korištenja sredstava ostvarenih na temelju posebne naknade za zaštitu od prirodnih i drugih nesreća („Službene novine Federacije Bosne i Hercegovine“, broj 4/12, 80/13 i 20/20)

